

Ordinaziun chantunala da geoinformaziun (OCGeo)

sa basond sin l'art. 45 da la constituziun chantunala ¹⁾ sco er sin ils art. 5, 6, 7, 8, e 9 da la lescha chantunala da geoinformaziun ²⁾

relaschada da la regenza ils 7 da favrer 2012

I. Disposiziuns generalas

Art. 1

¹ Questa ordinaziun vala per las geodatas da basa dal dretg chantunal sco er per las ulteriuras geodatas dal chantun. Champ
d'applicaziun

² Ella vala subsidiarmain per las geodatas da basa dal dretg federal che tutgan a la competenza dal chantun u d'ina corporaziun territoriala subordinada.

³ Regulaziuns spezialas en auters relaschs restan resalvadas.

Art. 2

Per il champ d'applicaziun da questa ordinaziun èn applitgablas subsidiarmain las disposiziuns da l'ordinaziun federala da geoinformaziun ³⁾. Applitgabladad
dal dretg federal

Art. 3

¹ Qualitad: La qualitad da las geodatas vegn mesurada a maun dals criteris «cumplettadad», «consistenza logica», «exactadad», «actualitad» e «correctadad dal cuntegn». Noziuns

² Sistem d'informaziun geografica (SIG): In sistem d'informaziun geografica è in sistem per registrar, per elavurar, per administrar, per analizar e per preschentar datas geograficas. Systems da geoinformaziun cumpiglian la hardware e la software che vegnan duvradas en chausa sco er las geodatas.

³ Post chantunal spezialisà competent: Cun post chantunal spezialisà competent è manegià tant il post spezialisà en il senn da l'artitgel 3 alinea 2 litera b da la lescha chantunala da geoinformaziun sco er il post chantunal che surveglia las geodatas chantunals, da las qualas la registraziun, l'ac-

¹⁾ DG 110.100

²⁾ DG 217.300

³⁾ CS 510.620

tualisaziun e l'administraziun tutgan al champ da cumpetenzza da las vischnancas e da las regiuns.

II. Organisaziun e cumpetenzas

Art. 4

Cumissiuun
dal SIG

¹ La cumissiuun dal SIG:

- a) tracta tut las fatschentas en il sectur da la geoinformaziun che han ina impurtanza interdepartamentala u che concernan ils interess generals dal chantun;
- b) persequitescha il svilup en il sectur da la geoinformaziun e sviluppa strategias;
- c) cusseglia la regenza en il sectur da la geoinformaziun.

² Ella sa cumpona da maximalmain 10 commembras e commembers sco er da la parsura u dal parsura.

³ Mintga departament nominescha 1 fin 2 commembras e commembers. Quai cun resguardar las collavuraturas ed ils collavuraturats dals posts spezialisads participads al SIG.

⁴ Il departament d'economia publica e fatgs socials nominescha la parsura u il parsura.

Art. 5

Uffizi

¹ L'uffizi cun il center da cumpetenzza dal SIG è responsabel per las suandantas incumbensas en il sectur da la geoinformaziun:

- a) coordinar las activitads da l'administraziun chantunala;
- b) preparar las fatschentas e manar il secretariat per la cumissiuun dal SIG;
- c) cooperar al svilup da normas tecnicas;
- d) cussegliar ils posts chantunals.
- e) manar il sistem d'informaziun geografica (SIG) da l'administraziun chantunala;
- f) relaschar las directivas tecnicas necessarias en cooperaziun cun ils posts chantunals spezialisads cumpetents.

² En il sectur da las geodatas chantunals è el responsabel per tut las incumbensas che l'ordinaziun federala da geoinformaziun attribuescha a l'uffizi federal da topografia.

³ Envers ils posts spezialisads chantunals ha el il dretg da dar directivas.

Art. 6

Post chantunal
spezialisà
cumpetent

¹ Sche l'ordinaziun federala da geoinformaziun attribuescha ina incumbensa al post spezialisà ch'è cumpetent en chausa, è il post chantunal spezialisà cumpetent responsabel per questa incumbensa en il sectur da las geodatas chantunals.

² El è responsabel per conceder, per restrenscher u per refusar l'access a las geodatas federalas u chantunalas ch'èn mo per part accessiblas al public.

Art. 7

Preparond decisziuns strategicas en il sector da la geoinformaziun ston vegnir tadlads ils circuls interessads, sche questas decisziuns han consequenzas er ordaifer l'administraziun chantunala.

Audiziun
da circuls
interessads

III. Geodatas e geoservetschs

Art. 8

¹ Il departament maina:

- a) in catalog da las geodatas da basa dal dretg federal cun la designaziun da las cumpetenzas en il chantun Grischun;
- b) in catalog da las geodatas da basa dal dretg chantunal cun la designaziun da las cumpetenzas, dal stgalim dal dretg d'access, da l'appartegnientscha al cataster da las restricziuns da proprietad tenor il dretg public e da la necessitad da metter a disposiziun in servetsch da download;
- c) in catalog da las ulteriuras geodatas publicas dal chantun cun la designaziun da las cumpetenzas.

Catalogs
da geodatas

² El procura che quests catalogs vegnian publitgads en moda adequata.

Art. 9

Las geodatas da basa ch'èn liantas per las proprietarias e per ils proprietaris vegnan messas en referenza cun las datas da la mesiraziun uffiziala. Uschenavant che quai è cunvegnet, vala quai er per las geodatas da basa ch'èn liantas per las autoritads.

Datas da
referenza

Art. 10

Ils models da geodatas minimalas da la confederaziun pon vegnir extendids tras il post spezialisà, sche quai è necessari per ademplir las pretenziuns supplementaras chantunalas.

Extensiuns
da models
da geodatas

Art. 11

L'uffizi fixescha la lingua generala per descriver las geodatas da basa e las metadatas. En quest connex resguarda el il stadi da la tecnica e la normaziun sin plaun naziunal ed internaziunal.

Lingua da
descripziun

Art. 12

¹ Il post ch'è responsabel per registrar, per actualisar e per administrar las geodatas procura per la qualitat da questas datas.

Qualitat

² Per controllar la qualitad metta l'uffizi a disposiziun instruments ch'èn utilisabels en general.

Art. 13

Istorisaziun

¹ L'istorisaziun vegn fatga dal post ch'è responsabel per registrar, per actualisar e per administrar las datas.

² L'istorisaziun po vegnir surpigliada dal post chantunal spezialisà cumpetent.

Art. 14

Tegnair ed
archivar geodatas
1. posts
spezialisads
chantunals

¹ Las geodatas dals posts spezialisads chantunals vegnan tegnidas en il sistem d'informaziun geografica central da l'administraziun chantunala.

² L'uffizi metta a disposiziun l'infrastructura ch'è necessaria per archivar e per istorisar las datas.

³ En enclegientscha cun il post spezialisà e cun l'archiv dal stadi fixescha l'uffizi il concept per l'archivaziun da las geodatas.

Art. 15

2. posts
spezialisads
communals
e regional

¹ Las geodatas che vegnan registradas, actualisadas ed administradas da las vischnancas e da las regiuns ston vegnir archivadas da talas en in sistem convegnent.

² L'archivaziun po er vegnir surpigliada dal post chantunal spezialisà cumpetent.

³ En enclegientscha cun il post chantunal spezialisà cumpetent e cun l'archiv dal stadi fixescha l'uffizi il concept per l'archivaziun da las geodatas.

Art. 16

Archivaziun
da lunga durada

L'archiv dal stadi è responsabel per archivar durablmain las geodatas da valor archivarica.

Art. 17

Indicaziun
da l'actualitad

Las geodatas federalas e chantunals ston vegnir munidas da tut las utilisadras e da tut ils utilisaders cun indicaziuns davart l'actualitad.

Art. 18

Directivas
tecnicas

En cooperaziun cun il post chantunal spezialisà cumpetent po l'uffizi relaschar directivas tecnicas davart ils models da preschentaziun, davart las geometadatas, davart la qualitad, davart l'istorisaziun, davart l'archivaziun da las geodatas e davart ils geoservetschs.

IV. Transmissiun da geodatas

Art. 19

Sch'ils auters posts chantunals, regiunals u communal dumondan quai, als dat il post ch'è cumpetent per registrar, per actualisar e per administrar las datas access a las geodatas da basa tras in servetsch da download u, nua che quai n'è betg pussaivel, en in'autra furma electronica adattada.

Barat da datas
tranter autoritads

Art. 20

Il posts communal u regiunals ch'èn responsabels per registrar, per actualisar e per administrar las datas ston furnir las geodatas ch'èn destinadas a la publicaziun ed a la consegna entaifer il termin che vegn fixà dal post chantunal spezialisà cumpetent.

Transmissiun da
geodatas da basa

V. Disposiziuns finalas

Art. 21

Questa ordinaziun entra en vigur ils 15 da favrer 2012.

Entrada en vigur